

春秋左傳杜注

春秋左傳杜注卷第三

華亭姚培謙學

莊公

名同桓公子母文姜
監法勝敵克亂曰莊

經元年春王正月○三月夫人孫于齊

夫人莊公母也
魯人責之故出

奔內諱奔謂之孫猶孫
讓而去○孫本作遜

○夏單伯送王姬

無傳單伯天子卿也單
采地伯爵也王將嫁女

于齊既命魯為主故單伯送女不稱使也王姬不稱字以王為尊且別於內女
也天子嫁女於諸侯使同姓諸侯主之不親昏尊卑不敵○單音善○送公

穀作送單姓伯字魯之命大夫天子嫁
女於齊魯受命主之故使單伯逆王姬

○秋築王姬之館于外

公在諒闇處齊侯當親迎不忍便以禮
接於廟又不敢逆王命故築舍于外

○冬十月乙亥陳侯林

卒

無傳未同盟
而赴以名

○王使榮叔來錫桓公命

無傳榮叔周大
夫榮氏成字錫

賜也追命桓公褒稱其德若昭七年王追命衛襄之比

○王姬歸于齊

無傳不書逆公不與接

○齊

師遷紀邾郕郛

無傳齊欲滅紀故徙其三邑之民而取其地邾在東莞臨胸縣東南郕在朱虛縣東南北海都昌縣西有營

城○邾蒲丁反邾子斯反郕立吾胸其俱反皆子斯反○臨胸縣今屬山東青州府都城在安邱縣西南六十里都昌今昌邑縣也有營在杜在縣西十里俱屬青州府

傳元年春不稱即位文姜出故也

文姜與桓俱行而桓為齊所殺故不敢還莊公

父弑母出故不忍行即位之禮據文姜未還故傳稱文姜出也姜於是感公意而還不書不告廟○穀梁傳繼弑君不言即位正也先君不以其道終則子不忍即位也劉氏敞曰原左傳此意當為文姜與桓俱行未有至文故云出爾不知夫人行不以正者至皆不書也

○三月夫人孫于齊不稱姜氏絕不為親也

姜氏齊姓

於文姜之義宜與齊絕而復奔齊故於其奔去姜氏以示義○李氏廌曰絕不為親謂魯之臣子當絕文姜而不以為親

○秋燕王姬之館于外為外禮也

齊彊魯弱又委罪於彭生魯不能讎齊然喪制

未闕故異其禮得禮之變。闕苦穴反。胡傳有三年之喪天王于義不當使之主有不戴天之讎莊公子于義不可為之主。築之于外之為宜不若辭而弗主之為正按為外為之于外也

經二年春王二月葬陳莊公

無傳魯往會之故書例在昭六年

○夏公子

慶父帥師伐於餘邱

無傳於餘邱國名也莊公時年十五則慶父莊公庶兄。孔疏慶父雖為庶長而以仲為

宗其後子孫以字為氏是以經書仲孫時人以其庶長稱孟故傳稱孟孫

○秋七月齊王姬卒

無傳魯為之主

比之內女○冬十有二月夫人姜氏會齊侯于禚

夫人行不以禮故還皆不

書不告廟也禚齊地。禚諸若反。定九年傳齊侯致禚媚杏于衛杜注三邑皆齊西界據此當為齊魯衛分界之地

○乙酉宋

公馮卒

無傳再與桓同盟

傳二年冬夫人姜氏會齊侯于禚書女奴也

文姜前與公俱如齊後懷

而出奔至此始與齊好會會非夫人之事顯然書之傳曰書姦姦在夫人文姜比年出會其義皆同

經三年春王正月溺會齊師伐衛

溺魯大夫疾其專命而行故去氏

○夏

四月葬宋莊公

無傳

○五月葬桓王○秋紀季以鄫

入于齊

紀季侯弟鄫紀邑在齊國東安平縣齊欲滅紀故季以邑入齊為附庸先祀不廢社稷有奉故書字貴之○鄫音攜今山東青州府臨淄縣東有安平城又有鄫亭

安平城又有鄫亭

○冬公次于滑

滑鄭地在陳留襄邑縣西北傳例曰凡師過信為次兵未有所加所

次則書之既書兵所加則不書其所次以事為宜非虛次○今河南歸德府睢州有滑亭

傳三年春溺會齊師伐衛疾之也

傳重明上例○公羊傳溺者何吾大夫之未命

者也李氏廉曰考之三傳左傳則曰衛朔出奔二公子立黔牟何休以為衛朔背叛出奔天子新立公子留范氏則以為齊受天子罪人為之興師而魯

同之然則黔牟與留雖未知孰是而此時衛朔在齊齊欲納之明矣莊公新立寢苦枕戈莫先于率國人以同讎舍是不顧而二年伐於餘邱三年伐衛又且同齊師以徃此何心哉

○夏五月葬桓王緩也

以桓十五年三月崩七年乃葬故曰緩

○秋紀季以鄫入于齊紀於是乎始判

判分也言分為附庸始于此○

胡傳春秋私逃者必書奔紀季所以不書奔者有紀侯之命矣

○冬公次于滑將會鄭伯謀紀故也鄭伯辭以難

厲公在櫟故

○難去聲

凡師一宿為舍再宿為信過信為次

為經書次例也

舍宿不書輕也

言凡師通君臣

經四年春王二月夫人姜氏享齊侯于祝邱

無傳享食也兩

君相見之禮。非夫人所用。直書以見其失視。邱魯地。○漢即邱縣孟康曰。春秋時之祝邱也。今山東兗州府沂州東南五十里有即邱城。食去聲。○

三月紀伯姬卒。無傳。隱三年裂繻所逆者內女。唯諸侯夫人卒葬皆書恩。成于敵體。○夏齊侯

陳侯鄭伯遇于垂。無傳。○按蘇氏轍曰。鄭伯子儀也。胡傳則以為厲公。未詳孰是。○紀侯大

去其國。以國與季季奉社稷。故不言滅。不見迫逐。故不言奔。大夫者不反之辭。○六月乙丑齊侯

葬紀伯姬。無傳。紀季入鄒為齊附庸。而紀侯大夫去其國。齊侯加禮。初附以崇厚義。故攝伯姬之喪。而以紀國夫人禮葬之。○

秋七月。○冬公及齊人狩于禚。無傳。公越竟與齊微者俱狩。失禮可知。狩手又反。○按

公穀胡傳並以齊人為齊侯。

傳四年春王三月楚武王荆尸授師子焉以伐隨

尸陳也。荆亦楚也。更為楚陳兵之法。揚雄方言。將齊入告夫人鄧曼。言子者。戰也。然則楚始於此。參用戰為陳。

曰余心蕩將授兵於廟故齊蕩動散也鄧曼歎曰王祿盡矣盈而蕩

天之道也先君其知之矣故臨武事將發大命而

蕩王心焉楚為小國僻陋在夷至此武王始起其衆僭號稱王陳兵授師志意盈滿臨齊而散故鄧曼以天地鬼神為微應之符

若師徒無虧王薨於行國之福也王薨於行不死於敵王遂行

卒於櫛木之下櫛木名○櫛音朗孔疏木有似榆者俗呼為朗榆令尹鬬祁莫敖屈

重除道梁嗟營軍臨隨隨人懼行成時祕王喪故為奇兵更開直道嗟水

在義陽廣縣西東南入鄖水梁橋也隨人不意其至故懼而行成○嗟側嫁反鄖音云○釋例云即淦水源出縣北在今湖廣德安府隨州東南莫

敖以王命入盟隨侯且請為會於漢汭而還汭內也謂漢西

○汭如銳反水曲曰汭濟漢而後發喪

○紀侯不能下齊以與紀季不能降屈事齊盡以國與季明季不叛夏紀侯

大去其國違齊難也違辟也

經五年春王正月○夏夫人姜氏如齊師無傳書女。孔疏于時齊

無征伐之事不知師在何處蓋齊侯疆理紀地有師在紀○秋邾犁來來朝附庸國也東海昌慮縣東北有郕城犁來

名。邾五兮反。○昌慮城在今山東兗州府滕縣東南六十里郕城在縣東六里慮平聲○冬公會齊人宋人

陳人蔡人伐衛

傳五年秋邾犁來來朝名未王命也未受爵命為諸侯傳發附庸稱名例也其

後數從齊桓以尊周室王命以為小邾子

○冬伐衛納惠公也惠公朔也桓十六年出奔齊

經六年春王正月王人子突救衛

王人王之微官也雖官卑而見授以大事故稱

人而又稱字

○夏六月衛侯朔入于衛

朔為諸侯所納不稱歸而以國逆為文朔懼失眾心以國

逆告也歸入例在成十八年

○秋公至自伐衛

無傳告於廟也

○螟

無傳為災

○冬齊

人來歸衛俘

公羊穀梁經傳皆言衛寶此傳亦言寶唯此經言俘疑經誤俘囚也○胡傳案商書稱遂伐三虘俘厥寶玉則

俘者正文寶者釋辭

傳六年春王人救衛○夏衛侯入放公子黔牟于

周放甯跪于秦殺左公子洩右公子職

甯跪衛大夫省之以遠曰放

乃即位君子以二公子之立黔牟為不度矣夫能

固位者必度其本末而後立衷焉不知其本不謀

知本之不枝弗強

本末終始也。哀節適也。譬之樹木。本弱者其枝必披。非人力所能強成。度待洛反。強其文反。

詩云本枝百世

詩大雅言文王本枝俱茂。著滋百世也。按此以成敗論是非者。

○冬齊人來歸衛寶文姜請之也

公親與齊共伐衛。事畢而還。文姜淫於齊侯。故

求其所獲珍寶。使以歸魯。欲說魯以謝慙。

○楚文王伐申過鄧鄧祁侯曰吾甥也

祁謚也。姊妹之子曰甥。

止

而享之。驪甥聘甥養甥請殺楚子

皆鄧甥。仕於舅氏也。驪朱推反。鄧侯

弗許。三甥曰亡鄧國者必此人也。若不早圖。後君

噬齊

若齧腹。齊喻不可及。○齊。臍通。

其及圖之乎。圖之。此為時矣。鄧侯

曰人將不食吾餘

言自害其甥。必為人所賤。○孔疏。食謂噉之。為甥設享。而因享害之。所有餘食。更為人設之。將

賤吾不肯復食
噉吾之餘食也

對曰若不從三臣抑社稷實不血食而

君焉取餘

言君無復餘

弗從還年楚子伐鄧

伐申還之年
還音旋

十六

年楚復伐鄧滅之

魯莊公十六年楚終強
盛為經書楚事張本

經七年春夫人姜氏會齊侯于防

防魯地

○夏四月辛

卯夜恒星不見

恒常也謂常見之星辛卯四月五日月光
尚微蓋時無雲日光不以昏沒見音現

夜中

星隕如雨

如而也夜半乃有雲星落而且雨其數多皆記異也日光
不隱恒星不見而云夜中者以水漏知之○胡傳曰言眾也○

秋大水

傳熱

○無麥苗

今五月周之秋平地出水漂殺
熟麥及五稼之苗○漂匹妙反

○冬夫人

姜氏會齊侯于穀

無傳穀齊地今濟北穀城縣○今山
東兗州府東阿縣治故穀城是也

傳七年春文姜會齊侯于防齊志也

文姜數與齊侯會至
齊地則姦發夫人至

魯地則齊侯之志故
傳畧舉二端以言之

○夏恒星不見夜明也星隕如雨與雨偕也情異也

○秋無麥苗不害嘉穀也黍稷尚可更種故曰不害嘉穀○劉氏
敞曰非也天水無麥苗此聖人為記災而

書耳言其不害嘉穀何益于教乎孫氏覺曰二十八年麥禾之無經書曰大
大者非常之辭麥苗之無以水災而無也災之所不及者猶有存焉不得曰
大無也故無麥苗志之于秋見水災也大無麥禾志
之于冬見歲凶也春秋一字聖人必盡心無苟然者

經八年春王正月師次于郎以俟陳人蔡人無傳期
共伐郎

陳蔡不至故駢
師于郎以待之○甲午治兵治兵於廟習號
令將以圖郎○夏師及齊師

圍郕郕降于齊師二國同討而齊獨
納郕○降戶江反○秋師還時史善公克已
復禮全軍而還

故特書師還
還音旋○冬十有一月癸未齊無知弑其君諸兒

稱臣臣之罪也

傳八年春治兵于廟禮也

○胡傳此治兵于郎也侯而不至暴師露眾役久不用則有失伍離次逃

亡潰散之虞故復申明軍法以整齊之其志非善之也譏黷武也

夏師及齊師圍郕郕降于

齊師仲慶父請伐齊師

齊不與魯共其功故欲伐之

公曰不可我實

不德齊師何罪罪我之由夏書曰臯陶邁種德夏

逸書也稱臯陶能勉種德邁勉也○今書大禹謨

德乃降姑務修德以待時乎

言苟有德乃為

人所降服姑且也

秋師還君子是以善魯莊公

傳言經所以即用舊史之文○趙氏直曰

勞師會讎何善之有且齊強魯弱自當不敢爭也

○齊侯使連稱管至父戍葵邱

連稱管至父皆齊大夫戍守也葵邱齊地臨淄縣西有地

名葵邱。稱尺證反。後漢志西安縣有蓮邱亭。亦名渠邱。即古葵邱也。今山東青州府臨淄縣西三十里有西安故城。葵邱在其處。瓜時而

往。曰及瓜而代。期成。公問不至。問命也。期音基。請代弗許。故

謀作亂。僖公之母弟曰夷仲年。生公孫無知。有寵

於僖公。衣服禮秩如適。適天子。適子歷反。襄公紂之。二人因之

以作亂。二人連稱管至父。紂。敕律反。連稱有從妹在公宮。無寵。使閒

公。伺公之間隙。從間並去聲。曰捷吾以女為夫人。捷克也。宣無知之言。女音汝。冬十

二月。齊侯游于姑焚。遂田于貝邱。姑焚貝邱皆齊地。田獵也。樂安博昌縣南有地。

名貝邱。樊扶云反。姑焚即薄姑也。今青州府博興縣東北十五里有薄姑城。縣南有貝中聚。見大豕。從者曰公

子彭生也。公見大豕而從者見彭生皆妖鬼。從去聲。公怒曰。彭生敢見射之。

豕人立而啼公懼隊于車傷足喪屨反誅屨於徒

人費誅責也。見音現射音石。隊音墜喪去聲費音秘。弗得鞭之見血走出遇賊于

門劫而束之費曰我奚御哉袒而示之背信之費

請先入詐欲助賊。御音禦袒徒覽反。伏公而出關死于門中石之紛

如死于階下石之紛如齊小臣亦闕死。遂入殺孟陽于牀孟陽亦小臣代公居牀。曰

非君也不類見公之足于户下遂弑之而立無知

經書十一月癸未長歷推之。月六日也傳云十二月傳誤。○初襄公立無常政令無常。鮑叔牙曰

君使民慢亂將作矣奉公子小白出奔莒鮑叔牙小白傳小白傳公。

庶子亂作管夷吾召忽奉公子糾來奔管夷吾召忽皆子糾傳也子糾小白庶兄。

來不書皆非卿也為九年公伐

齊納子糾齊小白入于齊傳

○初公孫無知虐于雍廩

齊大夫為殺無知傳

經九年春齊人殺無知

無知弑君而立未列於會故不書爵例在成十六年

○公及齊

大夫盟于莒

齊亂無君故大夫得敵於公蓋欲迎子糾也來者非一人故不稱名莒魯地琅邪繒縣北有莒亭○莒其器反○

在今山東兗州府嶧縣東八十里故鄆城

○夏公伐齊納子糾齊小白入于齊

二公子各有黨故雖盟而迎子糾當須伐乃得入又出在小白之後小白稱入從國逆之文本無位

○秋七月丁酉葬

齊襄公

無傳九月乃葬亂故

○八月庚申及齊師戰于乾時我師

敗績

小白既定而公猶不退師歷時而戰戰遂大敗不稱公戰公敗諱之乾時齊地時水在樂安界岐流旱則竭涸故曰乾時○乾書于二程子

曰公戰諱敗凡言敗績大敗也小小勝負不書樂安故城在今山東青州府博興縣北時水在縣南

○九月齊人取子

糾殺之

公子為賊亂則書齊實告殺而書齊取殺者時史惡齊志在誦以求管仲非不忍其親故極言之○吳氏澂曰殺之者雖魯從

齊今也是猶齊人取之于魯魯以昇齊而殺之焉爾

○冬浚洙

無傳洙水在魯城北下合泗浚深之為齊備○洙音殊

傳九年春雍廩殺無知○公及齊大夫盟于既齊

無君也夏公伐齊納子糾桓公自莒先入桓公秋師

及齊師戰于乾時我師敗績公喪戎路傳乘而歸

戎路兵車傳乘乘他車○乘去聲乘他如字

秦子梁子以公旗辟于下道

二子公御及戎

右也以誤齊師○辟音避

是以皆止

止獲也

鮑叔帥師來言曰子糾親也

請君討之

鮑叔乘勝而進軍志在生得管仲故託不忍之辭

管召讎也請受而甘心

焉管仲射桓公故曰讎管甘心言欲快意殺殺之

乃殺子糾于生竇

生竇魯地○史記作生竇實氏遠曰向

也。今山東兗州府曹州北有句陽古城，即句瀆故地。召忽死之，管仲請囚鮑叔受之。及

堂阜而稅之。堂阜，齊地，東莞蒙陰縣西北有夷吾亭，或曰鮑叔解夷吾縛於此，因以為名。○稅，上活反。○堂阜在今山東青州

府蒙陰縣西北。歸而以告曰：「管夷吾治於高傒，言管仲治理政事之

才多于敬仲。○溪音兮。使相可也。公從之。

經十年春，王正月，公敗齊師于長勺。齊人雖成列，魯以權譎稽之列成而不得

用，故以未陳為文例。在十一年長勺魯地。○二月上酌反。○啖氏助曰：凡魯勝則曰敗某師。○二月公侵宋，無傳，侵

十九年。○三月，宋人遷宿。無傳，宋強遷之而取其地，故文異於邢遷。○夏六月，齊師

宋師次于郎。不言侵伐，齊為兵主背。○公敗宋師于乘邱，乘邱

魯地。○乘，去聲。括地志：乘邱在瑕丘縣西北三十五里。今山東兗州府滋陽縣西有古瑕邱城。○秋九月，荊敗蔡

師于莘

荆楚本號後改為楚楚辟陋在夷於此始通中國然告命之辭猶未合典禮故不稱將帥莘蔡地○在今河南汝寧府汝陽縣

境此書

荆之始以蔡侯獻舞歸

獻舞蔡季○獻舞非蔡季詳桓十七年

○冬十月齊師

滅譚

譚國在濟南平陵縣西南傳曰譚無禮此直釋所以見滅經無義例他皆放此滅例在文十五年○今山東濟南府歷城縣東南七十里

有譚城譚子奔莒

不言出奔國滅無所出

傳十年春齊師伐我

不書侵伐齊背既之盟我有辭

公將戰曹劌請見

曹劌魯人○劌古

衛反是音現下同

其鄉人曰肉食者謀之又何閒焉

肉食在

者閒猶與也○閒與並去聲

劌曰肉食者鄙未能遠謀乃入見問何

以戰公曰衣食所安弗敢專也必以分人對曰小

惠未徧民弗從也

分公衣食所惠不過左右故曰未徧

公曰犧牲玉帛弗

敢加也必以信祝辭不敢以小為大以惡為美對曰小信未孚神弗福

也孚大信也公曰小大之獄雖不能察必以情必盡已情察審也對

曰忠之屬也上思利民忠也可以一戰戰則請從公與之乘

共乘兵車從乘並去聲戰于長勺公將鼓之蒯曰未可齊人三鼓

蒯曰可矣齊師敗績公將馳之蒯曰未可下視其

轍視車跡也登軾而望之曰可矣遂逐齊師既克公問其

故對曰夫戰勇氣也一鼓作氣再而衰三而竭彼

竭我盈故克之夫大國難測也懼有伏焉恐詐奔吾視

其轍亂望其旗靡故逐之旗靡轍亂怖遽○靡母彼反

○夏六月齊師宋師次于郎公子偃曰宋師不整

可敗也

公子偃魯大夫

宋敗齊必還請擊之公弗許自雩門

竊出蒙臯比而先犯之

雩門魯南城門臯比虎皮比音毗○偃又請以虎皮蒙馬先犯宋師

公從

之大敗宋師于垂邱齊師乃還

○陸氏隴其曰垂邱之役左氏以為勝檀弓以為敗蓋先

敗後勝也

○蔡哀侯娶于陳息侯亦娶焉息媯將歸過蔡蔡

侯曰吾姨也

妻之姊妹曰姨

止而見之弗賓

不禮敬也

息侯聞之怒

使謂楚文王曰伐我吾求救於蔡而伐之楚子從

之秋九月楚敗蔡師于莘以蔡侯獻舞歸

○史記蔡世家楚厲哀侯

以歸留九歲死于楚蔡人立其子肸是為繆侯

○齊侯之出也過譚譚不禮焉及其入也諸侯皆

賀譚又不至

以九年入

冬齊師滅譚譚無禮也譚子奔莒

同盟故也

傳言譚不能及遠所以亡

經十有一年春王正月

無傳

○夏五月戊寅公敗宋

師于鄆

鄆魯地傳例曰敵未陳曰敗某師○鄆子斯反○當在今山東兗州府境

○秋宋大水

公使弔之故書

○冬王姬歸于齊

魯主氏不書齊侯逆不見公○劉氏敵曰若齊侯來逆女而公輒不見何謂主昏矣乃常事自不

書者也

傳十一年夏宋為乘邱之役故侵我公禦之宋師

未陳而薄之

○陳去聲下同

敗諸鄩。凡師敵未陳曰敗某師。

通謂設權譎變詐以勝敵。彼我不得成列成列而不得用故以未陳獨敗為文。

皆陳曰戰。

堅而有備各得其所成敗決於志力者也。

大崩曰敗績。

師徒撓敗若沮岸崩山喪其功績故曰敗績。撓乃孝反沮在呂反壞也。

得雋曰克。

謂若

大叔段之比才力足以服眾威權足以自固進不成為外寇強敵退復狡壯有二君之難而實非二君克而勝之則不言彼敗績但書所克之名。○雋音俊。

覆而敗之曰取某師。

覆謂威力兼備若羅網所掩覆一軍皆見禽制故以取為文。○覆敷救反。

京師

敗曰王師敗績于某。

王者無敵于天下天下非所得與戰者然春秋之世據有其事列於經則不得不因申

其義有時而敗則以自敗為文。明天下莫之得校。校音教。

○秋宋大水公使弔焉曰天作淫雨害於塗盛若

之何不弔。

不為天所愍弔。○天災如此不敢不弔。

對曰孤實不敬天降之災。

又以為君憂拜命之辱

謝辱厚命

臧文仲曰宋其興乎

文

仲魯大夫

禹湯罪已其興也悖焉

悖盛貌。悖蒲忽反一作勃

桀紂罪人其

亡也忽焉

忽速貌

且列國有凶稱孤禮也

列國諸侯無凶則常稱寡人

言

懼而名禮其庶乎

言懼罪已名禮稱孤其庶幾於興

既而聞之曰公子御

說之辭也

宋莊公子御魚呂反說音悅

臧孫達曰是宜為君有恤民

之心

○冬齊侯來逆共姬

齊桓公也共音恭

○乘邱之役

年在十

公以金僕姑射南宮長萬

金僕姑失名南宮長萬宋

大夫。射音石長丁丈反

公右欲孫生搏之

搏取也不書獲萬時未為卿。欲市專反搏音博

宋人請

之宋公靳之

戲而相愧曰靳魯聽其得還。靳居覲反。

曰始吾敬子，今子魯囚

也。吾弗敬子矣。病之。

萬不以為戲而以為己病為宋萬弑君傳。

經十有二年春王三月紀叔姬歸于鄆

無傳紀侯去國而死叔姬歸魯。

紀季自定於齊而後歸之全守節義以終婦道故繫之紀而以初嫁為文賢之也。來歸不書非寧且非大歸。

○夏四月○

秋八月甲午宋萬弑其君捷及其大夫仇牧

捷閔公不書葬。

亂也萬及仇牧皆宋卿仇牧稱名不謗而遇賊無善事可褒。胡傳君弑而大夫死于其難春秋書之者皆所取也。

○冬十月宋

萬出奔陳

奔例在宣十年。按史記年表是年周莊王崩。僖王立。

傳十二年秋宋萬弑閔公于蒙澤

蒙澤宋地梁國有蒙縣。今河南歸德府商邱。

縣北有蒙澤縣南二十五里有蒙縣古城。

遇仇牧于門批而殺之

手批之也。公羊傳仇牧聞君弑趨而至。

遇之于門手劍而叱之萬臂遇大宰督于東宮之西又殺之

殺督不書殺督不書立子游子游宋公子羣公子奔蕭公子御說奔毫

蕭宋邑今沛國蕭縣毫宋邑蒙縣西北有毫城。蕭縣今屬江南徐州府縣北十里有蕭城河南歸德府商邱縣北有大蒙城皇甫謐所謂蒙為北毫是也南

宮牛猛獲帥師圍毫牛長萬之子冬十月蕭叔大心叔

大夫名。孔疏卿大夫采邑之長曰宰公邑之長曰大夫以此年有功宋人以蕭邑別封其人為附庸二十三年經書蕭叔朝公也及戴

武宣穆莊之族宋五公之子孫以曹師伐之殺南宮牛于師

殺子游于宋立桓公桓公御說猛獲奔衛南宮萬奔陳以

乘車輦其母一日而至乘車非兵車駕人曰輦宋去陳二百六十里言萬之多力。乘去聲宋人

請猛獲于衛衛人欲勿與石祁子曰不可石祁子衛大夫天

下之惡一也。惡於宋而保於我，保之何補？得一夫

而失一國，與惡而弃好，非謀也。宋衛本同好國。好去聲。衛人歸之。

亦請南宮萬于陳，以賂陳人，使婦人飲之酒，而以

犀革裹之。比及宋，手足皆見。宋人皆醢之。醢，肉醬。并醢猛獲，故言皆。

○飲去聲。比必二反。見音現。

經十有三年春，齊侯、宋人、陳人、蔡人、邾人會于北

杏。北杏，齊地。○當在今山東兗州府東阿縣境。胡傳以諸侯而主天下會盟之政，自北杏始。呂氏大圭曰：方伯圖之未興也，列國諸侯更相吞噬，間有

若鄭莊齊僖之流，雖能雄長于一時，而終未能執伯主之柄。天下紛紛莫之統一，然心猶知有周也。及伯圖既興，則翕然唯伯主之為聽，下以號令，諸侯

上以脅制天子。一時氣勢聲靈赫奕，中國賴以少事。自是王命浸微矣。是故有北杏之會，則有幽之盟，有幽之盟，而後有葵丘之盟，則宰周公會矣。然猶未

也至溫之會則天王實狩焉
比事以觀而善惡自見矣

○夏六月齊人滅遂

遂國在濟北蛇邱縣東北○蛇

音移○今兗州府寧陽縣西北三十里有遂鄉與濟南府肥城縣接界

○秋七月○冬公會齊侯盟

于柯

此柯今濟北東阿齊之阿邑猶祝柯今為祝阿○柯古何反○今兗州府東阿縣地

傳十三年春會于北杏以平宋亂

宋有弑君之亂齊桓欲修霸業○孔疏宋立新

君其位未定桓欲修霸業為會以安定之

遂人不至夏齊人滅遂而戍之

戍守也

○冬盟于柯始及齊平也

始與齊桓通好

○宋人背北杏之會

○背音佩

經十有四年春齊人陳人曹人伐宋

背北杏會故

○夏單

伯會伐宋

既伐宋單伯乃至故曰會伐宋單伯周大夫○單伯魯卿元年逆王姬者

○秋七月荆入

蔡入例在文十五年

○冬單伯會齊侯宋公衛侯鄭伯于鄆

鄆衛地今東郡鄆城也齊桓修霸業卒平宋亂宋人服從欲歸功天子故赴以單伯會諸侯為文○鄆音絹○今山東東昌府濮州東二十里舊城集故鄆城也

傳十四年春諸侯伐宋齊請師于周

齊欲崇天子故請師假王命以示大

順經書人傳言諸侯總眾國之辭

夏單伯會之取成于宋而還

○鄭氏五曰按左氏

于單伯逆王姬誤為送至是附成其說故以為齊請師而單伯王臣會之也

○鄭厲公自櫟侵鄭

厲公以桓十五年入櫟遂居之

及大陵獲傅瑕

大陵

傅瑕鄭大夫○今河南開封府臨潁縣北十里有大陵城

傅瑕曰苟舍我吾請納君與之

盟而赦之六月甲子傅瑕殺鄭子及其二子而納

厲公

鄭子莊四年稱伯會諸侯今見殺不稱君無譏者微弱臣子不以君禮成喪告諸侯

初內蛇與外蛇

鬪於鄭南門中內蛇死六年而厲公入公聞之問

於申繻曰猶有妖乎

猶由通

對曰人之所忌其氣燄以

取之妖由人興也

尚書洛誥無若火始燄燄未盛而進退之時以喻人心不堅正

人無覺焉

妖不自作人弃常則妖興故有妖

孔疏人之所忌謂子儀畏懼厲公心不堅正

其畏忌之氣燄燄未盛而進退之時以取此妖來應人也若使人無

其畏忌之氣燄燄未盛而進退之時以取此妖來應人也若使人無

入遂殺傅瑕使謂原繁曰傅瑕貳

言有二心於已

周有常刑

既伏其罪矣納我而無二心者吾皆許之上大夫

之事吾願與伯父圖之

上大夫卿也伯父謂原繁疑原繁有二心

且寡人出伯

父無裏言無納我之言

入又不念寡人

不親附已

寡人憾焉對曰

先君桓公命我先人典司宗祏

桓公鄭始受封君也宗祏宗廟中藏主石室言已世

為宗廟守臣

社稷有主而外其心其何貳如之苟主社稷

國內之民其誰不為臣臣無二心天之制也子儀

在位十四年矣

子儀鄭子也

而謀召君者庸非貳乎

庸用也

莊

公之子猶有八人若皆以官爵行賂勸貳而可以濟

事君其若之何臣聞命矣乃縊而死

莊公子猶有八人傳唯見四子忽子臺

子儀並死獨厲公在八人名字記傳無聞

○蔡哀侯為莘故繩息媯以語楚子

莘役在十年繩楚魯也○語去聲

子如息以食入享遂滅息偽設享食之具。食音嗣。以息媯歸生堵

敖及成王焉未言未與王言。堵丁古反。楚子問之對曰吾一婦

人而事二夫縱弗能死其又奚言楚子以蔡侯滅

息遂伐蔡欲以說息媯。秋七月楚入蔡君子曰商書所謂

惡之易也如火之燎于原不可鄉邇其猶可撲滅

者其如蔡哀侯乎商書盤庚言惡易長而難滅。

○冬會于鄆宋服故也

經十有五年春齊侯宋公陳侯衛侯鄭伯會于鄆

○夏夫人姜氏如齊無傳夫人文姜齊桓公姊妹父母在則禮有歸寧沒則使卿寧。○秋宋

人齊人邾人伐邕

宋主兵故序齊上

○鄭人侵宋○冬十月

傳十五年春復會焉齊始霸也

始為諸侯長

○秋諸侯為宋伐邕

邕附庸屬宋而叛故齊桓為之伐邕

鄭人閒之而侵

宋

經十有六年春王正月○夏宋人齊人衛人伐鄭

宋主兵也班序上下以國大小為次征伐則以主兵為先春秋之常也他皆放此

○秋荆伐鄭○冬十有

二月會齊侯宋公陳侯衛侯鄭伯許男滑伯滕子

同盟于幽

書會魯會之不書其人微者也言同盟服異也陳國小每盟會皆在衛下齊桓始霸楚亦始彊陳侯介於二大國之間而為

三恪之客故齊桓因而進之遂班在衛上終於春秋滑國都費河南緡氏縣也宋地○費扶味反○公羊經上有公字緡氏故城在今河南開封府偃師

縣南二十里當在今河南歸德府考城縣境

○邾子克卒

無傳克儀父名稱子者蓋齊桓請王命以為諸侯再同盟

傳十六年夏諸侯伐鄭宋故也

鄭侵宋故○張氏洽曰伐鄭不止為宋而已蓋鄭不服則

諸侯之心未一也

○鄭伯自櫟入

在十四年

緩告于楚秋楚伐鄭及櫟為不

禮故也

○鄭伯治與於雍糾之亂者

在桓十五年○與音預

九月殺公子

開則強鉏

二子祭仲黨斷足曰刑

公父定叔出奔衛

共叔段之孫定謚也

三年

而復之曰不可使共叔無後於鄭使以十月入曰

良月也就盈數焉

數滿于十

君子謂強鉏不能衛其足

言其

不能早

辟害

○冬同盟于幽鄭成也

○王使虢公命曲沃伯以一軍為晉侯

曲沃武公遂并晉國僖王因就

命為晉侯小國故一軍

初晉武公伐夷執夷詭諸

夷詭諸周大夫夷采地名

為國請

而免之

為國周大夫為子委反

既而弗報

詭諸不報施於為國

故子國作亂謂

晉人曰與我伐夷而取其地

使晉取夷地

遂以晉師伐夷

殺夷詭諸周公忌父出奔虢

周公忌父王卿士辟子國之難

惠王立而

復之

魯桓十五年經書桓王崩魯莊三年經書葬桓王自此以來周有莊王又有僖王崩葬皆不見於經傳王室微弱不能復自通於諸侯故

傳因周公忌父之事而見惠王惠王立在此年之末按史記年表惠王即位當魯莊十八年

經十有七年春齊人執鄭詹齊桓始霸鄭既伐宋又不朝齊詹為鄭執政大臣詣齊見執不稱行人罪之也行人例在襄十一年諸

執大夫皆稱人以執之大夫賤故○夏齊人殲于遂殲盡也齊人成遂而無備遂

人討而盡殺之故時史因○秋鄭詹自齊逃來無傳詹不能伏節守死以解國患而遁逃

以自盡為文○殲于庶反苟免書逃以賤之○冬多麋無傳麋多則害五稼故以災書

傳十七年春齊人執鄭詹鄭不朝也○孫氏復曰十二月同盟于幽不稱行人

者會未歸而見執也

○夏遂因氏領氏工婁氏須遂氏饗齊成醉而殺

之齊人殲焉饗酒食也四族遂之彊宗齊滅遂成之在十三年○領烏納反

經十有八年春王三月日有食之無傳不書日官失之○夏公

追戎于濟西

戎來侵魯公逐之於濟水之西

○秋有蠱

蠱短狐也蓋以含沙射人為災○蠱音或本草

謂之射工

○冬十月

傳十八年春虢公晉侯朝王王饗醴命之宥

王之親羣后始

則行饗禮先置醴酒示不忘古飲宴則命以幣物宥助也所以助勸敬之意言備設○時惠王新即位

皆賜王五穀馬

三匹非禮也

雙玉為穀穀音角

王命諸侯名位不同禮亦異

數不以禮假人

侯而與公同賜是借人禮

○虢公晉侯鄭伯使原莊公逆王后于陳陳嬀歸

于京師

虢晉朝王鄭伯又以齊執其卿故求王為援皆在周倡義為王定昏陳人敬從得同姓宗國之禮故傳詳其事不書不告

實

惠后

陳嬀後號惠后寵愛少子亂周室事在僖二十四年故傳於此並正其後稱

○夏公追戎于濟西不言其來諱之也

戎來侵魯人不知去乃追之

故諱不言其來

言其來

○秋有蜚為災也

○初楚武王克權使鬬縉尹之

權國名南郡當陽縣東南有權城鬬縉楚大夫○水經注

沔水東會權口南流逕權城北古之權國也今屬湖廣安陸府

以叛圍而殺之

簪以遷權於那

處

那處楚地南郡編縣東南有那口城○那乃多反處昌呂反○那口城在今安陸府荊門州東南

使閻敖尹之

閻敖楚大夫

及文王即位與巴人伐申而驚其師

驚巴師

巴人叛楚

而伐那處取之遂門于楚

攻楚城門

閻敖游涌而逸

涌水在南郡華

容縣閻敖既不能守城又游涌水而走○涌音勇

楚子殺之其族為亂冬巴人因之

以伐楚

經十有九年春王正月○夏四月○秋公子結媵

陳人之婦于鄆遂及齊侯宋公盟

無傳公子結魯大夫公羊穀梁皆以為魯女媵

陳侯之婦其稱陳人之婦未入國略言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君為盟故備書之本非魯公意而又失媵陳之好故冬各來伐○程子曰鄆之巨室嫁女于陳人結以其庶女媵之因與齊宋盟諒之以往○夫人姜

氏如莒

無傳非父母國而往書嫁

○冬齊人宋人陳人伐我西部

無傳

幽之盟魯使微者會鄆之盟又使媵臣行所以受敵鄙邊邑○黃氏震曰諸家多謂齊宋怒結抗君而來若止怒結之抗不受其預盟足矣伐我者必其

素謀

耳

傳十九年春楚子禦之大敗於津

禦巴人為巴人所敗津楚地或曰江陵縣有津

鄉。在今湖廣
荊州府枝江縣

還鬻拳弗納遂伐黃

鬻拳楚大閹黃羸
姓國今弋陽縣

敗黃

師于踏陵

踏陵黃地。踏在亦反。當在
今河南汝寧府光州西南境

還及湫有疾

南郡都縣東
南有湫城。

湫子小友都音若。在今
湖廣襄陽府宜城縣

夏六月庚申卒鬻拳葬諸夕室

夕室
地名

亦自殺也而葬於經皇

經皇家前闕生守門故
死不失職。經田結反

初鬻拳強

諫楚子楚子弗從臨之以兵懼而從之鬻拳曰吾

懼君以兵罪莫大焉遂自刎也楚人以為大閹謂

之大伯

若今城門校尉官。強其丈反。大伯音泰。孔疏鬻拳本是大臣
楚人以其賢使典此職非為刑而役之伯長也為門官之長

使其後掌之

使其子孫
常主此官

君子曰鬻拳可謂愛君矣諫

以自納於刑刑猶不忘納君於善

言愛君明非臣法也楚
能盡其忠愛所以興

○初王姚嬖于莊王生子頹王姚莊王之妾也姚姓也子頹有寵焉

國為之師及惠王即位周惠王莊王孫取焉國之圃以為囿

圃園也邊伯之宮近於王宮王取之邊伯周大夫王奪子禽

祝跪與詹父田三子周大夫而收膳夫之秩膳夫石速也秩祿也故焉

國邊伯石速詹父子禽祝跪作亂因蘇氏蘇氏周大夫桓王奪其十

二邑以與鄭自秋五大夫奉子頹以伐王石速士也故不在此以來遂不和

克出奔溫溫蘇氏邑蘇子奉子頹以奔衛衛師燕師伐周

燕南冬立子頹

經二十年春王二月夫人姜氏如莒無傳○夏齊大

災

無傳來告以大故書天火曰災例在宣十六年

○秋七月○冬齊人伐我

無傳○張氏治

曰戎在徐州之域最

近齊魯故先治之

傳二十年春鄭伯和王室不克

克能

執燕仲父

燕仲父南

燕伯為伐周故

夏鄭伯遂以王歸王處于櫟秋王及鄭伯入

于鄆

鄆王所取鄆邑○鄆音鳩

遂入成周取其寶器而還冬王子頹

享五大夫樂及徧舞

皆舞六代之樂

鄭伯聞之見虢叔

叔虢公字曰

寡人聞之哀樂失時殃咎必至今王子頹歌舞不

倦樂禍也夫司寇行戮

司寇刑官

君為之不舉

去盛

而況敢

樂禍乎奸王之位

音干奸

禍孰大焉臨禍忘憂憂必及

之盍納王乎。虢公曰：寡人之願也。

○王氏錫爵曰：子頹以庶孽而奸王位，殃咎固

所必至者。奚俟哀樂失時而

知之抑微此將不納王乎。
經二十有一年春，王正月。○夏五月辛酉，鄭伯突

卒。

十六年與魯大夫盟于幽。

○秋七月戊戌，夫人姜氏薨。

無傳薨寢祔姑赴於諸侯故具

小君禮書之。

○冬十有二月，葬鄭厲公。

無傳八月乃葬，緩慢也。

傳二十一年春，胥命于弭。夏，同伐王城。

鄭虢相命也。弭鄭地。○弭，面爾

反。○當在今河南開封府禹州密縣境。

鄭伯將王自圉門入。虢叔自北門入。

殺王子頹及五大夫。鄭伯享王于闕西辟。樂備。

闕象

魏也。樂備備六代之樂。○辟，蒲歷反。○西辟，西偏也。

王與之武公之畧。自虎牢以東。

畧界

也鄭武公傳平王平王賜之自虎牢以東後失其地故惠王今復與之虎牢河南成皋縣。今開封府鄭州汜水縣西有虎牢城。原伯曰。

鄭伯效尤其亦將有咎原伯原莊公也言效子顏舞徧樂五月鄭厲公

卒王巡虢守巡守於虢國也天子省方謂之巡守。守音狩虢公為王宮于玆玆音

地。玆蒲項反。在今河南河南府繩池縣界。王與之酒泉酒泉周邑。今陝西西安府同州有甘泉出墮谷中造酒尤美

名酒。鄭伯之享王也王以后之鞶鑑予之后王后也鞶帶

今西方羌胡猶然古之遺服號公請器王子之爵爵飲酒器鄭伯由是始惡

於王為僖二十四年鄭執王使張本冬王歸自虢傳言王之偏也

經二十有二年春王正月肆大眚無傳赦有罪也易稱赦過宥罪書稱眚災肆赦

傳稱肆眚園鄭皆放赦罪人盪滌衆故以新其心有時而用之非制所常故書眚所景反。孔疏肆緩也眚過也緩縱大過是赦有罪也大過猶赦則小罪亦

赦之①癸丑葬我小君文姜無傳反哭成喪故稱小君○陳人殺其公

子御寇宣公大子也陳人惡其殺大子之名故不稱君父以國討公子告○夏五月○秋七

月丙申及齊高傒盟于防無傳高傒齊之貴卿而與魯之微者盟齊桓譙接諸侯以崇霸業○

公羊傳不言公諱與大夫盟也○冬公如齊納幣無傳公不使卿而親納幣非禮也母喪未再期而圖昏二傳不

見所譏左氏又無傳失禮明故

傳二十二年春陳人殺其大子御寇傳稱大子以實言陳公

子完與顓孫奔齊公子完顓孫皆御寇之黨○史記陳世家宣公嬖姬生子款欲立之乃殺其大子御寇御寇素

愛屬公子完完懼禍及已乃奔齊按胡傳謂稱人者國亂無政衆人擅殺而不出於其君與史記異顓孫自齊來奔不

非齊侯使敬仲為卿敬仲陳公子完辭曰羈旅之臣羈寄也幸

若獲宥及於寬政宥赦也赦其不閑於教訓而免於罪

戾弛於負擔弛去離也君之惠也所獲多矣敢辱高位以

速官謗敢不敢也請以死告以死自誓詩云翹翹車乘招我以弓

豈不欲往畏我友朋逸詩也翹翹遠貌古者聘士以弓言雖貪顯命懼為朋友所譏責○乘去聲使

為工正掌百工之官飲桓公酒樂齊桓賢之故就其家會據主人之辭故言飲桓公酒○飲去聲公

曰以火繼之辭曰臣卜其晝未卜其夜不敢君子

曰酒以成禮不繼以淫義也淫飲為淫樂以君成禮弗納

於淫仁也初懿氏卜妻敬仲懿氏陳大夫龜曰卜○妻去聲其妻占之

曰吉懿氏妻是謂鳳皇于飛和鳴鏘鏘雄曰鳳雌曰皇雄雌俱飛相和而鳴鏘鏘然猶

敬仲夫妻相隨

適齊有聲譽

有媽之後將育于姜

媽陳姓姜齊姓

五世其昌

于正卿八世之後莫之與京

京大也

陳厲公蔡出也

姊

之子故蔡人殺五父而立之

五父陳佗也殺陳佗在桓六年

生敬仲其少

也周史有以周易見陳侯者

周太史也

陳侯使筮之

著曰

遇

觀三三

坤下巽上觀○觀古亂反下皆同

之否

三三坤下乾上否觀六四爻變而為否

曰是謂觀

國之光利用賓于王

此周易觀卦六四爻辭易之為書六爻皆有變象又有互體聖人隨其義而論之

此

其代陳有國乎不在此其在此異國非此其身在其

子孫光遠而自他有耀者也坤土也巽風也乾天

也風為天於土上山也

巽變為乾故曰風為天自二至四有艮象艮為山

有山之材

而照之以天光於是乎居土上

山則材之所生上有乾下有坤故言居土上照之以天光

故曰觀國之光利用賓于王

四為諸侯變而之乾有國朝王之象。按利用賓于王五字衍

庭實旅百奉之以玉帛天地之美具焉故曰利用

賓于王

良為門庭乾為金玉坤為布帛諸侯朝王陳幣幣之象旅陳也百言物備

猶有觀焉故曰其

在後乎

因觀文以博占故言猶有觀非在已之言故知在子孫

風行而著於土故曰其

在異國乎若在異國必姜姓也姜大嶽之後也

姜姓之先

為堯四嶽著直略反

山嶽則配天物莫能兩大陳衰此其昌乎

變而象艮故知當興於大嶽之後得大嶽之權則有配天之大功故知陳必衰

及陳之初亡也

昭八年

陳桓

子始大於齊

桓子敬仲五世孫陳無宇

其後亡也

哀十七年

成子得政

楚復滅陳

成子陳常也敬仲八世孫陳完有禮於齊子孫世不忘德德協于卜故傳備言其終始卜筮者聖人所以定猶豫決疑似因生義教者也尚書洪範通龜筮以同卿士之數南蒯卜亂而遇元吉惠伯答以忠信則可臧會卜僭遂獲其應邱明故舉諸縣驗於行事者以示來世而君子志其善者遠者他皆放此

經二十有三年春公至自齊無傳○祭叔來聘無傳穀梁以祭

叔為祭公來聘魯天子內臣不得外交故不言使不與其得使聘○嘆氏助曰私行假言聘故不言王使以譏之趙氏與權曰祭有祭公祭伯祭叔意

者叔其弟也伯其爵也公其官也○夏公如齊觀社齊因祭杜菟軍實故公往觀之公至自齊

傳無傳○荆人來聘無傳不書荆子使某來聘君臣同辭者蓋楚之始通未成其禮○公及齊侯

遇于穀無傳○蕭叔朝公無傳蕭附庸國叔名就穀朝公故不言來凡在外朝則禮不得具嘉禮不野合

○秋丹桓宮楹桓公廟也楹柱也○冬十有一月曹伯射姑

卒無傳未同盟而赴以名○十有二月甲寅公會齊侯盟于扈無傳

扈鄭地在滎陽卷縣西北○卷音權○

今河南開封府原武縣西北扈亭是也

傳二十三年夏公如齊觀社非禮也曹劌諫曰不

可夫禮所以整民也故會以訓上下之則制財用

之節貢賦多朝以正班爵之義帥長幼之序征伐以討

其不然不然不諸侯有王從王王有巡守方以大習之

大習會朝之禮非是君不舉矣君舉必書書於策書而不法後嗣

何觀

○晉桓莊之族偪桓叔莊伯之子孫強盛偪迫公室獻公患之士蔿曰去

富子則羣公子可謀也已士為晉大夫富子二族之富強者○去上聲下同公曰爾

試其事士為與羣公子謀譖富子而去之以罪狀誣之同族惡其富

強故士為得因而間之用其所親為譖則似信離其骨肉則黨弱羣公子終所以見滅

○秋丹桓宮之楹

經二十有四年春王三月刻桓宮桷刻鏤也桷椽也將逆夫人故為盛飾○

葬曹莊公無傳○夏公如齊逆女無傳親逆禮也○秋公至自

齊無傳○八月丁丑夫人姜氏入哀姜也公羊傳以為姜氏要公不與公俱入蓋以孟任故

丁丑入而明日乃朝廟戊寅大夫宗婦覲用幣宗婦同姓大夫之婦禮小君至

大夫執贄以見明臣子之道莊公欲奢夸夫人故使大夫宗婦同贄俱見○大水無傳○冬戎侵曹無傳

曹羈出奔陳無傳羈蓋曹世子也先君既葬而不能自定曹人以名赴赤歸于曹無傳

赤曹僖公也蓋為戎所納故曰歸

○郭公

無傳蓋經闕誤也自曹襄以下公羊穀梁之說既不了又不可通之於左氏故不採用

傳二十四年春刻其桷皆非禮也

并非丹楹故言皆

御孫諫

曰臣聞之儉德之共也侈惡之大也

御孫魯大夫共音恭

先君

有共德而君納諸大惡無乃不可乎

以不丹楹刻桷為共

○秋哀姜至公使宗婦覲用幣非禮也

傳不言大夫唯舉非常

御

孫曰男贄大者玉帛

公侯伯子男執玉諸侯世子附庸孫卿執帛

小者禽鳥

卿執

羔大夫執鴈士執雉

以章物也

章所執之物別貴賤

女贄不過榛栗棗脩以

告虔也

榛小栗脩脯虔敬也皆取其名以示敬

今男女同贄是無別也男女

之別國之大節也而由夫人亂之無乃不可乎

○晉士蔦又與羣公子謀使殺游氏之二子游氏二子亦桓

莊之族士蔦告晉侯曰可矣不過二年君必無患

經二十有五年春陳侯使女叔來聘女叔陳卿女氏叔字○女音汝○

夏五月癸丑衛侯朔卒無傳惠公也書名十六年與內大夫盟于幽○六月辛

未朔日有食之鼓用牲于社鼓伐鼓也用牲以祭社傳例曰非常也○伯姬

歸于杞無傳不書逆女逆者微○秋大水鼓用牲于社于門門國門也傳例

曰亦非常也○冬公子友如陳無傳報女叔之聘諸魯出朝聘皆書如不果彼國必成其禮故不稱朝聘春秋之常

也公子友莊公之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦非例所與或稱弟或稱公子仍

舊史之文也母弟例在宣十七年

傳二十五年春陳女叔來聘始結陳好也嘉之故

不名季友相魯原仲相陳二人有舊故女叔來聘季友冬亦報聘嘉好接備卿以字為嘉則稱名其常也穀梁傳其不名何也天子之命大夫也

○夏六月辛未朔日有食之鼓用牲于社非常也

非常鼓之月長歷推之辛未實七月朔置閏失所致致月錯唯正月之朔慝未作正月夏之四月周之六月

謂正陽之月今書六月而傳云唯者明此月非正陽月也慝陰氣日有食之於是乎用幣于

社伐鼓于朝日食歷之常也然食於正陽之月則諸侯用幣于社請救於上公伐鼓于朝退而自責以明陰不宜侵陽臣不

宜掩君以示大義秋大水鼓用牲于社于門亦非常也失常禮凡

天災有幣無牲天災日月食大水也祈請而已不用牲也非日月之眚不鼓眚猶

災也月侵日為眚陰陽逆順之事賢聖所重故特鼓之

○晉士蔦使羣公子盡殺游氏之族乃城聚而處

之

聚晉邑冬晉侯圍聚盡殺羣公子

卒如士蔦之計

經二十有六年春公伐戎

無傳

○夏公至自伐戎

無傳

○曹殺其大夫

無傳不稱名非其罪例在文七年○家氏鉉翁曰曹殺其大夫不惟譏其專殺又誅其濫殺曹亦挾戎援

以篡兄之國又挾戎威以去兄之黨所殺者必皆無罪而又不止一人魯史不得其姓名是以闕之耳

○秋公會宋人

齊人伐徐

無傳宋序齊上注兵○徐國注見僖三年

○冬十有二月癸亥朔

日有食之

無傳

傳二十六年春晉士蔦為大司空

大司空卿官

夏士蔦城

絳以深其宮

絳晉所都也今平陽絳邑縣今為絳縣屬山西平陽府

○秋號人侵晉冬號人又侵晉

為傳明年晉將伐號張本此年經傳各自言其事者或經

是直文或策書雖存而簡牘散落不究其本末故傳不復申解但言傳事而已

經二十有七年春公會杞伯姬于洮

伯姬莊公女洮魯地洮徒刀反○今山東

東昌府濮州南五十里有洮城

○夏六月公會齊侯宋公陳侯鄭伯同盟于幽

○秋公子友如陳葬原仲

原仲陳大夫原氏仲字也禮臣既卒不名故稱

字季友違禮會外大夫葬具見其事亦所以知議

○冬杞伯姬來

傳例曰歸寧

○莒慶來逆

叔姬

無傳慶莒大夫叔姬莊公女卿自為逆則稱字例在宣五年

○杞伯來朝

無傳杞稱伯者蓋為時王所黜

○李氏廉曰杞之為侯本無所據注左氏者泥於桓公編杞侯之誤爾

○公會齊侯于城濮

濮衛地

將討衛也

傳二十七年春公會杞伯姬于洮非事也非諸侯之事天

子非展義不巡守天子巡守所以宣布德義諸侯非民事不舉卿非

君命不越竟

○夏同盟于幽陳鄭服也二十二年陳亂而齊納敬仲二十五年鄭文公之四年獲成於楚皆有二

心於齊今始服也

○秋公子友如陳葬原仲非禮也原仲季友之舊也

○冬杞伯姬來歸寧也寧問父母安否凡諸侯之女歸寧曰

來出曰來歸歸不反之辭夫人歸寧曰如某出曰歸于某

○晉侯將伐虢士蔿曰不可虢公驕若驟得勝於

我必弃其民

弃民不養之

無衆而後伐之欲禦我誰與夫

禮樂慈愛戰所畜也

○孔疏謂國君教民民間有此四者畜聚此事故後可與人戰故云戰所畜也

夫

民讓事樂和愛親哀喪而後可用也

上之使民以義讓哀樂為本言不可

力強○畜勅六反下同

號弗畜也亟戰將饑

言號不畜義讓而力戰○亟其冀反

○王使召伯廖賜齊侯命

召伯廖王卿士賜命為侯伯○廖力彫反

且請伐衛

以其立子頹也

立子頹在十九年

經二十有八年春王三月甲寅齊人伐衛衛人及

齊人戰衛人敗績

齊侯稱人者諱取賂而還以賤者告不地者史失之

○夏四月丁未

邾子貽卒

無傳未同盟而赴以名

○秋荆伐鄭公會齊人宋人救

鄭○冬築郿

眉魯下邑傳例曰邑曰築○郿芒悲反公穀作微今山東兗州府東平州西有微鄉城

○大無

麥禾

書於冬者五穀畢入計食不足而後書也

臧孫辰告糴于齊

臧孫辰魯大夫臧文仲

傳二十八年春齊侯伐衛戰敗衛師數之以王命

取賂而還

○汪氏克寬曰衛立子頹其罪固不容誅然已越十年而衛君又易世矣當其時不能治後之人何罪且受賂而不能伸

天討雖曰齊以將卑師少稱人非貶而比事觀之齊桓亦不可以無責矣

○晉獻公娶于賈無子

賈姬姓國也

烝於齊姜

齊姜武公妾

生秦

穆夫人及大子申生又娶二女於戎大戎狐姬生

重耳

大戎唐叔子孫別在戎狄者○當在今陝西延安府境重平聲

小戎子生夷吾

小戎允姓之戎子女也○

此即介州之允姓戎也故介州在
今陝西肅州府西五百二十六里
晉伐驪戎驪戎男女以驪姬

驪戎在京兆新豐縣其君姬姓其爵男也納女於人曰女
歸生奚齊其
○今陝西西安府臨潼縣東二十四里有驪戎城女去聲

娣生卓子驪姬嬖欲立其子賂外嬖梁五與東關

嬖五
姓梁名五在閭闔之外者東關嬖五別在關塞
者亦名五皆大夫為獻公所嬖倖視聽外事
使言於公曰

曲沃君之宗也
曲沃桓叔所封
先君宗廟所在
蒲與二屈君之疆也
蒲
今

平陽蒲子縣二屈今平陽北屈縣或云二當為北○屈亦勿反○今隰州
東北有蒲子故城吉州東北二十里有北屈廢縣俱屬山西平陽府
不

可以無主宗邑無主則民不威疆場無主則啓戎

心戎之生心民慢其政國之患也若使太子主曲

沃而重耳夷吾主蒲與屈則可以威民而懼戎且

旌君伐

旌章也伐功也

使俱曰狄之廣莫於晉為都晉之啓

土不亦宜乎

廣莫狄地之曠絕也即謂蒲子北屈也言遣二公子出都之則晉方當大開土界獻公未決故復使二五俱說

此美○按此言民戎威懼將俱以晉為強盛如是則先聲所至晉之故土未可限量

晉侯說之夏使大子

居曲沃重耳居蒲城夷吾居屈羣公子皆鄙

鄙邊邑唯

二姬之子在絳二五卒與驪姬譖羣公子而立奚

齊晉人謂之二五耦

二耦相耦廣一尺共起一伐言二人俱共舉傷晉室若此

○楚令尹子元欲盡文夫人

文王夫人息媽也子元文王弟蠆惑以淫事

為館

於其宮側而振萬焉

振動也萬舞也

夫人聞之泣曰先君以

是舞也習戎備也今令尹不尋諸仇讎而於未亡

人之側不亦異乎

尋用也婦人既寡自稱未亡人

御人以告子元

御人夫

子元曰婦人不忘襲讎我反忘之秋子元以車六

百乘伐鄭入于桔柣之門

桔柣鄭遠郊之門也。桔戶結反。待結反。

子元關

御彊鬪梧耿之不比為旆

子元自與三子特建旆以居前。綱廣充幅長尋曰旆。繼旆曰旆。

班王孫游王孫喜殿

三子在後為反。禦。殿丁見反。

眾車入自純門及

達市

純門鄭外郭門也。達市郭內道上市。

縣門不發楚言而出子元曰鄭

有人焉

縣門施于內城門鄭示楚以開暇故不開城門。出兵而放楚言故子元畏之不敢進。縣音玄。

諸侯救鄭

楚師夜遁鄭人將奔桐邱

許昌縣東北有桐邱城。許昌故城在今河南開封府許州東北四十里。

謀告曰楚幕有烏乃止

謀開也。幕帳也。

○冬饑臧孫辰告糴于齊禮也

經書大無麥禾傳言饑傳又先書饑在築郿上者說始

經在下須得糴嫌或諱饑故曰禮。孔疏世本曰孝公生僖伯彊彊生哀伯達達生伯氏餅餅生文仲辰辰是僖伯曾孫

○築郿非都也凡邑有宗廟先君之主曰都無曰

邑邑曰築都曰城

周禮四縣為都四井為邑然宗廟所在則雖邑曰都尊之也言凡邑則他築非例

經二十有九年春新延廐

傳例曰書不時言新者皆舊物不可用更造之辭

○夏

鄭人侵許

傳例曰無鐘鼓曰侵

○秋有蜚

傳例曰為災蜚扶味反

○冬十有二

月紀叔姬卒

無傳紀國雖滅叔姬執節守義故繫之紀賢而錄之

○城諸及防

諸防皆魯邑傳例曰書時

也諸非備難而興作傳皆重云時以釋之他皆放此諸今城陽諸縣

傳二十九年春新作延廐書不時也

經無作字蓋闕

凡馬日

中而出日中而入

日中春秋分也治廡當以秋分因馬向入而修之今以春作故曰不時

○夏鄭人侵許凡師有鐘鼓曰伐

聲其罪

無曰侵

鐘鼓無聲

輕曰襲

掩其不備輕去聲

○秋有蜚為災也凡物不為災不書

○冬十二月城諸及防書時也凡土功龍見而畢

務戒事也

謂今九月周十一月龍星角亢晨見東方三務始畢戒民以土功事見音現

災見而致

用大火心星次角亢見者致築作之物水昏正而栽

謂今十月定星昏而中於是樹板幹而興作栽音再說文云築塙長板

日至而畢

日南至微陽始動故土功息

○樊皮叛王

樊皮周大夫樊其采地皮名

經三十年春王正月○夏次于成

無傳將卑師少故直言次齊將降障故設備○

公穀次上有師字

○秋七月齊人降鄆

無傳鄆紀附庸國東平無險東北有鄆城小國孤危不能自固蓋

齊遙以兵威脅使降附○降戶江反鄆音章今山東兗州府東平州東六十里有鄆城集即鄆故城也

○八月癸亥葬

紀叔姬

無傳以賢錄也無臣子故不作謚

○九月庚午朔日有食之鼓用

牲于社

無傳

○冬公及齊侯遇于魯濟

濟水歷齊魯界在齊界為齊濟在魯界為

魯濟蓋魯地

○齊人伐山戎

山戎北狄

傳三十年春王命虢公討樊皮夏四月丙辰虢公

入樊執樊仲皮歸于京師

○楚公子元歸自伐鄭而處王宮

欲遂壘文夫人

闕射師諫

則執而梏之

射師闕廡也。足曰桎。手曰梏。孔疏杜以射師與闕廡為一人。不知何據。服虔云射師若敖子闕班也。射師被

梏不言舍之何以得殺子元也。

知射師與班必非一人射音石。

秋申公闕班殺子元

申楚縣楚僭號縣尹皆稱

公闕穀於菟為令尹自毀其家以紓楚國之難

闕穀於菟

今尹子文也。毀滅紆緩也。穀奴走反於菟音烏徒紆音舒。

○冬遇于魯濟謀山戎也以其病燕故也

齊桓行霸故欲為燕謀難

燕國今薊縣。今直隸順天府大興縣是也。

經三十有一年春築臺于郎

無傳刺奢且非土功之時

○夏四月薛

伯卒

無傳未同盟

○築臺于薛

無傳薛魯地。今山東兗州府滕縣東南有薛城。

○六月齊

侯來獻戎捷

傳例曰諸侯不相遺俘捷獲也。獻奉上之辭。齊侯以獻捷禮來故書以示過。

○秋築臺

于秦

無傳東平范縣西北有秦亭。在今山東東昌府范縣南三里。

○冬不雨

無傳不書旱不為災例在僖三年。

傳三十一年夏六月齊侯來獻戎捷非禮也凡諸

侯有四夷之功則獻于王王以警于夷

以警懼夷狄

中國

則否諸侯不相遺俘

雖夷狄俘猶不以相遺○遺去聲

經三十有二年春城小穀

小穀齊邑濟北穀城縣城中有管仲井大都以名通者則不繫國○穀梁

傳范氏注小穀魯邑也孫氏復曰曲阜西北有小穀城程氏迴曰齊地別有穀在濟北有管仲井非小穀也

○夏宋公齊

侯遇于梁邱

齊善宋之請見故進其班梁邱在高平昌邑縣西南○今山東兗州府城武縣東北三十里有梁邱山山南有梁

邱城汪氏克寬曰盟會則序主會者居上若遇則以簡禮相見比于不期而邂逅莫適為主故以爵之尊卑為序爵同則以國大小為序

○秋

七月癸巳公子牙卒

牙慶父同母弟僖叔也飲酖而死不以罪告故得書卒書日者公有疾不責公不與小斂

○陸氏淳曰：季子思義俱立，變而得中。夫子書其自卒，以示無譏，酖直陰反。

○八月癸亥，公薨于路。

寢路，寢正寢也。公薨，皆書其所詳，凶變。

○冬十月己未，子般卒。

子般，莊公太子。先君未葬，故不稱爵。

不書殺諱之。

也。○般音班。公子慶父如齊。

無傳。慶父既弑，子般季友出奔。國人與故懼而適齊，欲以求援時，無君。

假赴告之禮而行。○劉氏敞曰：非也。傳云：成季奔陳，立閔公。然則立閔公者，必慶父也。慶父雖殺子般，未敢便取其國，利閔公之幼而立焉。其如齊者，真

告立君也。

○狄伐邢。

無傳。邢國在廣平襄國縣。襄國故城在今直隸順德府邢臺縣西南。

傳三十二年春，城小穀，為管仲也。

公感齊桓之德，故為管仲城私邑。○趙氏鵬飛

曰：左氏非國史，以其所聞取經文之近者合之。昭十一年，楚申無宇曰：齊桓公城穀而實，管仲焉。于今賴之，而莊三十二年偶有城小穀之事。左氏遂曰：

為管仲也。是取申無宇之言而偶合之也。

○齊侯為楚伐鄭之故，請會于諸侯。

楚伐鄭在二十八年，謀為鄭報楚。

宋

公請先見于齊侯。音見夏遇于梁邱

○秋七月有神降于莘。有神聲以接人莘統地惠王問諸內史過

曰是何故也。內史過周大夫。過平聲對曰國之將興明神降之監

其德也將亡神又降之觀其惡也故有得神以興

亦有以亡虞夏商周皆有之。亦有神異王曰若之何對曰

以其物享焉其至之日亦其物也。享祭也若以甲乙日至祭先脾玉用蒼服上青

以此類祭之王從之內史過往聞號請命。聞號請於神求賜土田之命反曰

號必亡矣虐而聽於神神居莘六月號公使祝應

宗區史囂享焉神賜之土田。祝大祝宗宗人史大史應區囂皆名。囂五巾反大音泰史

嚚曰號其亡乎吾聞之國將興聽於民政順民思將亡聽

於神求福於神神聰明正直而壹者也依人而行唯德是與號多

涼德其何土之能得涼薄也為僖二年晉滅下陽傳

○初公築臺臨黨氏黨氏魯大夫築臺不書不告廟○黨音掌見孟任從之闕

孟任任黨氏女闕不從公○任平聲闕音秘而以夫人言許之許以為夫人割臂盟公生

子般焉雩講于梁氏女公子觀之雩祭天也講肄也梁氏魯大夫女公子子般殊

圉人犂自墻外與之戲圉人掌養馬者以慢言戲之○犂音洛子般怒使鞭

之公曰不如殺之是不可鞭犂有力焉能投蓋于

稷門蓋覆也稷門魯南城門走而自投接其屋之棟反覆門上公疾問後於叔牙對曰慶

父材

蓋欲進其同母兄

問於季友對曰臣以死奉般

季友莊公母弟故欲立般

公曰鄉者牙曰慶父材成季使以君命命僖叔待

于鍼巫氏

成季季友也鍼巫氏魯大夫。鄉去聲鍼其廉反

使鍼季酖之

酖鳥名其羽有毒以畫酒飲之

死則曰飲此則有後於魯國不然死且無後飲之歸

及達泉而卒立叔孫氏

達泉魯地不以罪誅故得立後世其祿達泉在今山東兗州府曲阜縣南五

里八月癸亥公薨于路寢子般即位次于黨氏

即發

仲次舍也冬十月己未共仲使圉人犇賊子般于黨氏

仲共

慶父。共音恭成季奔陳

出奔不書國亂史失之

立閔公

閔公莊公庶子於是年八歲。陸氏臆其曰讀

隱桓及文姜哀姜慶父葉仲意如之事未嘗不歎周公之後何以有此蓋子孫之不能無不肖如苗之不能無莠此聖人所無如何也然良農不能必苗

之無莠能使有莠而無傷聖人不能必後世之無不肖能使有不肖而不害
則惟其禮樂教化有以維持之耳以魯之亂至于定哀之際而猶重禮教崇
信義豈非周公
之立本者厚與

春秋左傳杜注卷第三